



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-2348/21

Datum: 24-05-2021 godine

Na osnovu člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Ekspertne komisije za nabavku i praćenje postupaka javnih nabavki, imenovana rješenjem broj: 10-45-137/21 od 04.02.2021. godine, u daljem tekstu: Komisija, Općinski načelnik d o n o s i:

O D L U K U

- I.** Ponuda „DERBY TRADE“ d.o.o. Brčko, ul. Jovana Dučića br.1, broj ponude: 493-04-21 od 28.04.2021. godine, za javnu nabavku profesionalnog kombinovanog frižidera za čuvanje vakcina Službi za medicinsku pomoć Općine Centar Sarajevo, putem konkurentskog zahtjeva za dostavu ponuda, prihvata se za dodjelu ugovora.
- II.** Ponuđači će o prihvaćanju ponude iz stava I. ove odluke, biti obaviješteni najkasnije u roku od sedam dana od dana donošenja Odluke.
- III.** Obavezuje se ponuđač iz stava I dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke III tenderske dokumentacije (uslovi za kvalifikaciju ponuđača), u originalu ili ovjerenoj kopiji.
- IV.** Ova odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem svim ponuđačima.

O b r a z l o ž e n j e

Postupak nabavke profesionalnog kombinovanog frižidera za čuvanje vakcina Službi za medicinsku pomoć Općine Centar Sarajevo, putem konkurentskog zahtjeva za dostavu ponuda, pokrenut je odlukom Općinskog načelnika broj: broj: 02-11-2348/21 od 22.04.2021. godine.

Shodno Zakonu, objavljeno je obavještenje o nabavci putem konkurentskog zahtjeva za dostavu ponuda, na internet portalu E-nabavke broj obavještenja: 848-7-1-62-3-37/21 od 22.04.2021. godine.

U roku za dostavljanje ponuda određenom u tenderskoj dokumentaciji dana 05.05.2021. godine do 12,00 sati, na adresu ovog ugovornog organa pristigle su 3 (tri) ponude sljedećih ponuđača: „DERBY TRADE“ d.o.o. Brčko, „INEL BH“ d.o.o. Maglaj i „EMEDING“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok isporuke kao potkriteriji „ekonomski najpovoljnije ponude“, kako slijedi:

| Reg. broj | Ponuđač | PODKRITERIJ 1 Ukupna cijena ponude u KM sa PDV-om i popustom | PODKRITERIJ 2 Rok isporuke |
|-----------|----------------------------|---|-------------------------------|
| 27 | „DERBY TRADE“ d.o.o. Brčko | 11.115,00 | 30 dana |
| 28 | „INEL BH“ d.o.o. Maglaj | 12.168,00 | 60 dana |
| 29 | „EMEDING“ d.o.o. Sarajevo | 12.109,50 | 30 dana |

Nakon izvršenog javnog otvaranja ponuda, na zatvorenom sastanku održanom dana 05.05.2021. godine, Komisija je izvršila pregled dokumentacije priložene uz ponudu u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude ponuđača „DERBY TRADE“ d.o.o. Brčko i „INEL BH“ d.o.o. Maglaj, sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Ponuđač „EMEDING“ d.o.o. Sarajevo nije u potpunosti ispunio uslov ekonomske i finansijske sposobnosti utvrđen tačkom 1.4. a) tenderske dokumentacije, odnosno da je dužan dostaviti dokaz da mu račun nije blokiran u posljednjih 6 mjeseci više od 7 dana neprekidno, te ne više od 15 dana. Na osnovu dostavljene potvrde o likvidnosti izdate dana 29.04.2021. godine od strane MF banke a.d. Banja Luka, broj: IR-456-00365/21, konstatovano je da račun ponuđača nije bio blokiran u periodu od 29.01.2021. do 29.04.2021. godine, odnosno posljednja 3 mjeseca.

Obzirom da je dostavljeni dokaz nepotpun jer se odnosi na period od posljednja 3 mjeseca a ne 6 mjeseci kako je to zahtijevano tenderskom dokumentacijom, ponuda ponuđača „EMEDING“ d.o.o. Sarajevo se odbacuje kao neprihvatljiva u skladu sa odredbom člana 68. stav (1) Zakona.

Komisija je izvršila računsku kontrolu dostavljene ponude i pri tome nije pronađena nijedna računska greška.

Komisija je izvršila bodovanje prihvatljivih ponuda po osnovu oba podkriterija „ekonomski najpovoljnije ponude“, primjenom odgovarajuće formule za izračun broja bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

| Ponuđač | Podkriterij | |
|----------------------------|--|------------------------|
| | Cijena 50% | Rok isporuke 50% |
| „DERBY TRADE“ d.o.o. Brčko | 11.115,00 KM sa PDV-om = 50 bodova | 30 dana = 50 bodova |
| „INEL BH“ d.o.o. Maglaj | 12.168,00 KM sa PDV-om = 45,67 bodova | 60 dana = 25 bodova |

Nakon bodovanja po osnovu oba podkriterija ekonomski najpovoljnije ponude, izvršeno je rangiranje ponuda:

| r/b | Ponuđač | Broj bodova | Rang |
|-----|----------------------------|-------------|------|
| 1. | „DERBY TRADE“ d.o.o. Brčko | 100 | 1 |
| 2. | „INEL BH“ d.o.o. Maglaj | 70,67 | 2 |

Komisija je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

Ponuđača „**DERBY TRADE“ d.o.o. Brčko, ul. Jovana Dučića 1, Brčko**, sa ukupnom cijenom ponude u iznosu od 11.115,00 KM sa PDV-om, i rokom isporuke od 30 (slovima: trideset) dana, za javnu nabavku profesionalnog kombinovanog frižidera za čuvanje vakcina Službi za medicinsku pomoć Općine Centar Sarajevo.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH Filijala Mostar, putem ugovornog organa (Općina Centar Sarajevo), najkasnije u roku od 5 (pet) dana od dana prijema iste, shodno članu 101. stav (5) Zakona.

Naknada za pokretanje žalbenog postupka iznosi 500,00 KM shodno članu 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



Prilog: Zapisnik o pregledu i ocjeni ponuda
Broj: 02-11-1953/21 od 23.04.2021.godine

DOSTAVITI:

1. Ponuđačima:
 - „DERBY TRADE“ d.o.o. Brčko, Jovana Dučića 1, Brčko
 - „INEL BH“ d.o.o. Maglaj, Aleja ljljajana bb, Maglaj
 - „EMEDING“ d.o.o. Sarajevo, Azize Šaćirbegović bb PO-6, Sarajevo
2. Službi za javne nabavke, zajedničke poslove i informatiku
3. Službi za civilnu zaštitu i mjesne zajednice
4. Arhivi